

Tūranga wātea pokerehū mō tētahi kanohi ākonga



Ka puta tētahi tūranga wātea pokerehū mehemea kāore e taea e tētahi mema poari te whakaoti tana wā i te poari.

He tirohanga motuhake tā ngā kanohi ākonga i ngā whakawhitiwhiti a te poari, nā reira he mea nui kia mahia ngā mahi katoa hei whakakā i tētahi tūranga wātea pokerehū.

Me pānui haere tonu kia mōhio koe ki ngā hipanga me whai mehemea kua puta he tūranga wātea pokerehū mō tētahi tūranga kanohi ākonga.

He pēhea e puta ai tētahi tūranga pokerehū?

Ka puta he tūranga wātea pokerehū mehemea ka pēnei tētahi kanohi ākonga:

- Ka tukua ā-tuhitia tana wehenga atu ki te poari
- Ka ngaro pūputu tana kanohi mō ētahi hui poari, me te kore "wehenga i whakaaetia i mua"
- Ka wehe atu i te kura, kua kore e noho mai i te rārangi wā-katoa i te kura rānei
- Ka mate, ka tino whara me te hē o te tinana rānei
- Kua kore e [māraurau kia noho hei mema poari](#)
- Ka whakaheke atu e te Minita nā tana kore e tautuku ki [te rārangi whanonga pono mō ngā poari kura](#).

Ka puta tētahi tūranga wātea pokerehū mehemea kāore i whiwhi whakaingoatanga mō te tūranga kanohi ākonga i muri i tētahi pōtitanga.

Me mātua whakakā koe i te tūranga wātea pokerehū?

Āe.

Kia rangona tonutia ai te reo o ngā ākonga, e herea ana tō poari i raro i tōna turepapa kia noho mai he kanohi ākonga.

Me pēhea koe e whakakā ai i te tūranga wātea pokerehū?

Mehemea kei te whakatū pōti motuhake koe hei whakakī i te tūranga pokerehū, me mātua whakatau tō poari i te rā o te pōtitanga motuhake me te kopou i tētahi āpiha pōti mā te whakaae ki tētahi mōtini.

Ina whakatau koe i te rā o te pōtitanga motuhake, kia mārama, ka haere te hātepe pōti mō te 31 rā (me maumahara ki te tatau i ngā hararei).

Ka āhei koe ki te whakamahi i te [taputapu whakamahere pōti](#) hei tāuru i te rā pōti i kōwhiria hei rā pōti, ā, mā te taputapu e whakaputa wātaka tika mō ngā rā nunui katoa o te hātepe.

Kia oti te kopou a te āpiha pōti e tō poari, me rēhita te āpiha pōti i te paetukutuku [Pōtitanga Poari Kura](#) me te tiki ake i te [pukapuka Aratohu Pōtitanga](#).

Ko tā tēnei pukapuka he whakarārangi i ngā hātepe wātaka, pōtitanga kua oti te whakature, me whai e rātou.

He mea hira kia tukua ki tō āpiha pōti tētahi reta kopou, e whakarārangi ana i te rā pōti, te maha o ngā tūranga e tika ana kia whakakīa, (mehemea he turepapa rerekē tāu e whakahau ana kia neke atu i te kotahi ngā kanohi ākonga), me tō rātou utu hoki (me he utu).

Haere ki tā mātou [paetukutuku pōtitanga poari kura](#) mō ngā mea katoa e hiahia ana koe hei whakahaere i tō pōtitanga motuhake.

Kia oti te tūranga wātea te whakakī, me whakahou tō [rēhita mema poari](#) me whakakī hoki te puka [Whakahoutanga Poari Kura](#).

I muri i tētahi pōtitanga ā-pōti, me hari te rārangi me ngā pepa pōti ki te kōti ā-takiwā.

Ngā pātai pea mā te poari

- Kua whakarite tikanga tātou kia noho mōhio, kia whai wāhi tonu te kāhui ākonga mō te whakatau mō te whakakī, mō te waiho rānei i te tūranga wātea pokerehū?
- Kua whakaae tātou ki tētahi mōtini, kua āta tuhia hoki mō te whakatū pōtitanga motuhake, mō te waiho rānei?
- Mehemea kei te whakahaere tātou i tētahi pōtitanga motuhake, me pēhea tātou e tautoko ai i ngā kaimahi mō te hira o te noho mai o tētahi kanohi ākonga?
- Kei te mārama tātou ki ngā hipanga atu i tēnei rā?

Ngā tauira, ngā rauemi me ngā tohutoro

Pāwhiritia te (ngā) hononga i raro iho nei kia uru ki ngā tauira, ngā rauemi me ngā tohutoro o tēnei kaupapa.

Kei te āhua tonu o tō pūrere, ka tīkina ake, ka tuwhera rānei i tētahi atu pūtiroiro.

He hononga mai i a mātou

- [Tūtohirere mō tētahi tūranga pokerehū o tētahi mema i pōtitia](#)
- [Aratohu ki te anga poari](#)
- [Rēhita mema poari](#)

Te paetukutuku pōtitanga poari kura

- [Te paetukutuku pōtitanga poari kura](#)
- [Pukapuka Aratohu Pōtitanga](#)
- [Taputapu whakamahere pōti](#)

Te Tāhuhu o Te Mātauranga

- Te puka mō [Ngā Whakahoutanga Poari Kura](#)
- [Te rārangi whanonga pono mō ngā poari kura](#)

Te Ture mō te Mātauranga me te Whakangungu 2020

- [Rārangi kaupapa 23 – Te pōti me te inoi mema poari mō ngā poari o ngā kura Kāwanatanga, te roa o ngā tūranga o ngā mema poari, me te māraurau](#)